

davajućeg odnosno zamjenika predsjedavajućeg Skupštine Bosansko-podrinjskog kantona Goražde, dana 23.12.2020. godine, donijeli su:

**O D L U K U
O IZBORU PREDSJEDAVAJUĆE
SKUPŠTINE BOSANSKO-
PODRINJSKOG KANTONA
GORAŽDE**

I

MILOVIĆ DALIBORKA bira se za predsjedavajuću Skupštine Bosansko-podrinjskog kantona Goražde.

II

FEJZIĆ EDIM bira se za zamjenika predsjedavajuće Skupštine Bosansko-podrinjskog kantona Goražde.

III

VELIĆ EDITA bira se za zamjenika predsjedavajuće Skupštine Bosansko-podrinjskog kantona Goražde.

IV

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj:01-04-791/20 PREDSJEDAVAJUĆA
23.12.2020.godine S K U P Š T I N E
G o r a ž d e Daliborka Milović,s.r.

973

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjsk-

og kantona Goražde“, broj: 8/98, 10/00 i 5/03), **d o n o s i m:**

**U K A Z
O PROGLAŠENJU ZAKONA
O IZMJENAMA I DOPUNAMA
ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA
I ZAŠTITI PORODICE SA DJECOM**

Proglašava se Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, koji je donijela Skupština Bosansko-podrinjskog kantona Goražde, na 14. redovnoj sjednici, održanoj 28. decembra 2020. godine.

Broj:02-02-184/20 P R E M I J E R
28.12.2020.godine Aida Obuća,s.r.
G o r a ž d e

974

Na osnovu člana V 2.6.e), člana III 2.e) i člana III 15.j) Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00, 5/03 i 8/04) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije Bosne i Hercegovine“, broj:36/99, 54/04, 39/06, 14/09 i 45/16), Skupština Bosansko-podrinjskog kantona Goražde, na 14. redovnoj sjednici, održanoj 28. decembra 2020.g., **d o n o s i:**

**Z A K O N
O IZMJENAMA I DOPUNAMA
ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA
I ZAŠTITI PORODICA SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodica sa djecom („Službene novine Bosansko-podrinjskog kantona Goražde“, broj:10/00, 5/03, 5/05, 3/08, 2/13 i 4/14) iza člana 2. dodaje se novi član 2.a koji glasi:

„Član 2.a.

„Prava po osnovu ovog zakona mogu ostvariti lica i porodice koji imaju prijavljeno prebivalište na području Kantona u kontinuitetu najmanje godinu dana prije podnošenja zahtjeva.

Izuzetno od prethodnog stava, prava po ovom Zakonu mogu ostvariti lica koja su 30.04.1992.godine imala prebivalište na području kantona, pod uvjetom da im je utvrđen status povratnika.

Prava po ovom Zakonu ne mogu ostvariti lica koja nisu državljani Bosne i Hercegovine, ukoliko ovim Zakonom nije drugačije propisano.“

Član 2.

U članu 5. u stavu 1. tačka 3. se mijenja i glasi:

„3) smještaj u hraniteljsku porodicu.“

Član 3.

U članu 14. stav 1. iza tačke 7. dodaje se nova tačka 8. koja glasi:

„8. Primanja po osnovu novčane naknade za novorođeno treće, četvrto i peto dijete, te primanja po osnovu novčane naknade za vrijeme čekanja na zaposlenje.“

Član 4.

U članu 14. stav 4. iza riječi: „sti-

pendije i jednokratne pomoći.“, interpunkcijski znak „tačka“ zamjenjuje se interpunkcijskim znakom: „zarez“ i dodaju riječi: „stalna novčana pomoć“.

Član 5.

U članu 15.a iza stava 1. dodaje se novi stav 2. koji glasi:

„Pravo na stalnu novčanu pomoć ne mogu ostvariti lica smještena u ustanovu socijalne zaštite.“

Član 6.

Iza člana 15.a dodaje se novi član 15.b, koji glasi:

„Član 15.b

„Korisnici prava na stalnu novčanu pomoć dužni su u svakoj kalendarskoj godini u periodu od 01. do 31. marta tekuće godine dostaviti dokaze Centru za socijalni rad kao nadležnom prvostepenom organu, radi utvrđivanja ispunjavanja uvjeta za nastavak ostvarivanja ovog prava.

Ukoliko korisnik u ostavljenom roku ne dostavi dokaze ili se na osnovu dostavljenih dokaza utvrdi da korisnik ne ispunjava uvjete za nastavak ostvarivanja prava, Centar za socijalni rad donosi rješenje o prestanku prava na stalnu novčanu pomoć zaključno sa februarom tekuće godine.“

Član 7.

U članu 16. iza stava 1. dodaje se novi stav 2. koji glasi:

„Pravo na novčanu naknadu za pomoć i njegu od strane drugog lica ne mogu ostvariti lica koja su smještena u ustanove socijalne zaštite.“

Član 8.

U članu 18. iza stav 1. dodaje se novi stav 2. koji glasi:

„Ukupan prihod domaćinstva kao osnov za ostvarivanje prava na novčanu naknadu za pomoć i njegu od strane drugog lica čine prihodi utvrđeni članom 14. ovog Zakona.“

Član 9.

Članovi 20.a i 20.b se brišu.

Član 10.

Iza člana 20. dodaje se novi član 20.a, koji glasi:

„Član 20a.

Korisnici prava na novčanu naknadu za pomoć i njegu od strane drugog lica dužni su u svakoj kalendarskoj godini u periodu od 01. do 31. marta tekuće godine dostaviti dokaze Centru za socijalni rad kao nadležnom prvostepenom organu, radi utvrđivanja ispunjavanja uvjeta za nastavak ostvarivanja ovog prava.

Ukoliko korisnik u ostavljenom roku ne dostavi dokaze ili se na temelju dostavljenih dokaza utvrdi da korisnik ne ispunjava uvjete za nastavak ostvarivanja prava, Centar za socijalni rad donosi rješenje o prestanku prava na novčanu naknadu za pomoć i njegu od strane drugog lica, zaključno sa februarom tekuće godine.“

Član 11.

U članu 29. u stavu 2. iza alineje 2. dodaje se nova alineja 3. koja glasi:

„ako se smjesti u odgovarajuću ustanovu socijalne zaštite.“

Član 12.

U članu 29. iza stava 3. dodaje se novi stav 4. koji glasi:

„Korisnici prava iz člana 29. ovog Zakona dužni su u svakoj kalendarskoj godini u periodu od 01. do 31. marta tekuće godine dostaviti dokaze centru za socijalni rad kao nadležnom prvostepenom organu, radi utvrđivanja ispunjavanja uvjeta za nastavak ostvarivanja ovog prava, te ukoliko korisnik u ostavljenom roku ne dostavi dokaze ili se na temelju dostavljenih dokaza utvrdi da korisnik ne ispunjava uvjete za nastavak ostvarivanja prava, Centar za socijalni rad donosi rješenje o prestanku prava na novčanu naknadu za vrijeme čekanja na zaposlenje, zaključno sa februarom tekuće godine.“

Član 13.

U poglavlju II – SOCIJALNA ZAŠTITA, naziv odjeljka 6. i članovi 30. 31. i 32. se mijenjaju i glase:

„6. Hraniteljstvo

Član 30.

Hraniteljstvo je oblik zaštite izvan vlastite porodice kojim se djetetu ili odrasloj osobi u skladu sa Zakonom o hraniteljstvu Federacije Bosne i Hercegovine („Službene novine Federacije BiH“, broj: 19/17) (u daljem tekstu: Zakon o hraniteljstvu) osigurava odgovarajući porodični smještaj i zaštita u hraniteljskoj porodici.

Član 31.

Za rješavanje o priznavanju prava i uključivanje na smještaj u hraniteljs-

ku porodicu, kao i zaključivanje ugovora o hraniteljstvu, nadležan je Centar za socijalni rad.

Rješenje o priznavanju prava na smještaj i upućivanje u hraniteljsku porodicu donosi se uz prethodno pribavljenu saglasnost Kantonalnog Ministarstva u pogledu hraniteljske naknade i naknade za izdržavanje hranjenika.

O žalbama na rješenja Centra za socijalni rad odlučuje Kantonalno Ministarstvo.

Član 32.

Kantonalni ministar za socijalnu politiku, zdravstvo, raseljena lica i izbjeglice će naredbom o visini novčanih iznosa iz člana 8. stav 3. ovog Zakona utvrditi iznose novčanih davanja za hraniteljstvo.“

Član 14.

Članovi od 33. do 36. se brišu.

Član 15.

Član 38. se mijenja i glasi:

„Član 38.

Troškove smještaja u ustanovu socijalne zaštite snosi lice koje se smješta, roditelj, usvojitelj, staratelj ili srodnik koji je dužan da izdržava to lice ili drugo fizičko i pravno lice koje je preuzelo obavezu snošenja troškova smještaja.

Troškove smještaja snosi ili u njihovom snošenju učestvuje lice koje se smješta, roditelji, usvojioici, staratelji ili srodnici koji su shodno zakonu dužni izdržavati to lice, ukoliko im mjesečni prihodi po članu domaćinstva prelaze 35% prosječne plaće u Kantonu.

Ukoliko sredstva iz stava 2. ovog člana nisu dovoljna za izmirenje troškova smještaja, razliku do punog iznosa cijene smještaja snosi organ iz člana 31. ovog Zakona.

Ukoliko lica iz stava 2. ovog člana ne raspolažu sredstvima, troškove će u cjelosti snositi organ iz člana 31. ovog Zakona.“

Član 16.

U članu 40. u stavu 1. riječi „člana 36.“ zamjenjuju se riječima „člana 38.“.

Član 17.

U članu 94. stav 4. se mijenja i glasi:

„Za novorođeno treće, četvrto i peto dijete roditelju pripada pravo na novčanu naknadu u mjesečnom iznosu od po 40% od prosječne plaće u Kantonu bez obzira na imovinski cenzus, ukoliko kumulativno ispunjavaju sljedeće uvjete:

- da prvo, drugo i dijete za koje se podnosi zahtjev žive u zajedničkom domaćinstvu sa podnosiocem zahtjeva,
 - da imaju prebivalište na području Bosansko-podrinjskog kantona Goražde najmanje pet godina prije podnošenja zahtjeva,
 - da djeca školskog uzrasta pohađaju osnovnu ili srednju školu na području Bosansko-podrinjskog kantona Goražde izuzev onih obrazovnih smijerova koji ne postoje na području Bosansko-podrinjskog kantona Goražde.“
- Iza stava 4. dodaju se novi stavovi:

vi 5, 6. i 7. koji glase:

„Korisnicima koji su ostvarili pravo iz stava 4. za daljni nastavak ostvarivanja prava neće uticati ukoliko prvo ili drugo dijete napuste domaćinstvo usljed sticanja punoljetstva, zaključenja braka ili nekih drugih nepredviđenih okolnosti.

Zahtjev za ostvarivanje prava iz stava 4. podnosi se u roku od 60 dana od dana rođenja djeteta za koje se podnosi zahtjev.

Pravo iz stava 4. pripada korisniku od prvog dana narednog mjeseca po podnošenju zahtjeva i traje dok postoje uvjeti za sticanje i korištenje prava po ovom Zakonu, a najduže do navršene 18. godine života djeteta“.

Dosadašnji stavovi 5, 6. i 7. postaju stavovi 7, 8. i 9.

Član 18.

U članu 102. iza stava 1. dodaju se novi stavovi 2, 3, 4, 5. i 6. koji glase:

„Naknada umjesto plate ženi – majci iz stava 1. ovog člana, ne može biti veća od dvije prosječne isplaćene neto plaće u Kantonu ostvarene u prethodnoj godini.

Ženi – majci koja manje od 6 mjeseci prije odlaska na porodijsko odsustvo ima zaključen ugovor o radu ili rješenje o zasnivanju radnog odnosa, naknada umjesto plaće utvrđuje se u iznosu 60% od prosječne plaće u Kantonu.

Za vrijeme trajanja ugovora o radu na određeno vrijeme, žena – majka ostvaruje pravo na naknadu umjesto plaće do kraja trajanja ovog ugovora.

Po isteku trajanja ugovora o radu na određeno vrijeme, žena majka će nastaviti i dalje ostvarivati pravo na naknadu umjesto plaće pod uvjetom da joj je obnovljen ugovor o radu na određeno

vrijeme kod istog poslodavca te isti dostavi nadležnom prvostepenom organu.

Ukoliko po isteku trajanja ugovora o radu na određeno vrijeme žena – majka ne dostavi dokaze iz prethodnog stava, može ostvariti pravo na novčanu pomoć za ženu – majku koja nije u radnom odnosu.“

Dosadašnji stavovi 2. i 3. istog člana postaju stavovi 7. i 8.

Član 19.

U članu 124. iza stava 1. dodaje se novi stav 2. koji glasi:

„Korisnik prava po ovom Zakonu kojem su njegovom krivicom isplaćena novčana primanja na koja nije imao pravo, dužan je vratiti primljeni iznos. Ako to ne učini u roku koji odredi prvostepeni organ, povrat tog iznosa tražit će se tužbom kod nadležnog suda.“

Član 20.

Iza člana 124. dodaje se novi član 124.a koji glasi:

„Član 124a.

Centar za socijalni rad, kao nadležni prvostepeni organ, može sa korisnikom, odnosno obveznikom povrata isplaćenog iznosa, sklopiti nagodbu o načinu i vremenu povrata neosnovano isplaćenog iznosa novčane naknade uvažujući pri tom njegovo imovinsko stanje i socijalni položaj, uz mogućnost odgode povrata sredstava, a najduže za razdoblje od tri godine.“

Član 21.

Postupci koji su pokrenuti prije stpanja na snagu ovih izmjena i dopuna,

a nisu okončani, okončat će se po odredbama ovog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

Član 22.

Ovlašćuje se Ustavna i zakonodavno-pravna komisija Skupštine Bosansko-podrinjskog kantona Goražde da utvrdi novi prečišćeni tekst Zakona o socijalnoj zaštiti, zaštiti civilnih žrtava rata i zaštiti porodice sa djecom.

Član 23.

Ovaj Zakon stupa na snagu narednog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-801/20 PREDSJEDAVAJUĆA
28.12.2020.godine S K U P Š T I N E
G o r a ž d e Daliborka Milović,s.r.

975

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), a u skladu sa članom 35. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 05/18, 11/19 i 99/19), Skupština Bosansko-podrinjskog kantona Goražde, na 14. redovnoj sjednici, održanoj 28. decembra 2020.godine, **d o n o s i**:

O D L U K U O PRIVREMENOM FINANSIRANJU BOSANSKO-PODRINJSKOG

KANTONA GORAŽDE ZA PERIOD OD 01.01. DO 31.03.2021. GODINE

Član 1.

Ovom se Odlukom utvrđuje iznos privremenog finansiranja Bosansko-podrinjskog kantona Goražde za period januar-mart 2021. godine do donošenja Budžeta Bosansko-podrinjskog kantona Goražde za 2021. godinu.

Član 2.

Privremeno finansiranje je potreba Bosansko-podrinjskog kantona Goražde iz člana 1. Ove Odluke i utvrđuje se u iznosu od **7.908.759KM**.

Privremeno finansiranje Bosansko-podrinjskog kantona Goražde iz člana 1. Ove Odluke izvršavat će se u skladu sa prioritetima utvrđenim u članu 23. Zakona o izvršenju Budžeta Bosansko-podrinjskog kantona Goražde za 2020. godinu („Službene novine Bosansko-podrinjskog kantona Goražde“ broj: 15/19 i 5/20).

Budžetski korisnici ne smiju povećavati broj uposlenih u odnosu na stanje 31. decembra prethodne godine, te ne mogu započinjati nove ili proširene programe dok se ne odobri Budžet za 2021. godinu.

Član 3.

Budžet Bosansko-podrinjskog kantona Goražde za period 01.01.-31.03. 2021. godine sastoji se od: